

10. Ääinig immâšeh

Tiervâ tiervâ!

Tiervâ oppeet tääbbin Ukselmauáiváást.

Tääbbin mun vuárdám jo čuuvtij ääinig.

Puoh suávih, pihlejááh já sareh láá jo kočâttâm lostâidis.

Toh láá vuorkkim puoh lostâruánáá tárkká čiähusân ovssijd, veddijd já ruunjon.

Tienuuvt toh piergejeh tâlviv já puolâšääigi.

Täälvi várás ráhtádâteh meid muu elleeusteveh korrâ liävttoin.

Toi aagij, ko suávih lijji jo kočâttâm lostâidis,

te luándust oinuuškuottii uásild kârvudâttâm riävskáh já njuámmileh.

Uásild kârvudâttâm tienuuvt,

ete uásild tain lijji vala paijaalsis ruškissihá kesikáárvuh,

uásild jo vielgis tâlvikáárvuh.

Mun jurdáčchim, ete forgâ uážuččij ääinig myettid

já tom siämmáa eedâi meid Niiná-njuámmil ko njuškiistâlâi lappâd.

Ko muáttá ääinig, te Niiná-njuámmil lii muotâvielgâd,

ige nuuvt pyereest oinuu pirâstíttee luándust.

Talle tot lii tego torvoost.

Jis eennâm alne ij lah muotâ, já Niiná-njuámmil lii jo lonottâm tâlvikáárvuid,

te puoh uáinih tom älkkeht já tot ij lah ain šiev äšši.

Mondiet tot ij lah šiev äšši?

Na, vielgis ellee muottuuttes eennâm vuástá lii älkkee saalâs veikâba riämnjás.

Ige Niiná-njuámmil haalijd adelid čuárbeeles riämnjá purâdemnáá!!!!

Siämmáa vaidâlij Riitu-riävská.

Ama tun tiädáh Riitu-riävská?

Tot lii lodde, kote oorood aijui já jeegij piállást.

Jis Riitu-riävská lii muttum muotâvielgâdin täälvi várás já tâlvi ij puádigin tâllân,

te talle tot lii viehâ syejtem.

Tágárij jurduiguin mun korjum tuoddâr čohe alne kuovlâid,

ete jo-uv ääinig ličij puátimin.

Tobbeen tot viijmâg poođij – vuossâmuš myettee.

Ääinig poođij siijvost tego njaavâi, tast ij kullum jur jienâ.


Pyeri, ete tot poođij.

Tot kulá taan tave táálván já čuuvtij mij tom jo tääbbin vuordijm!

Ääinigtiervuodâiguin,

Elška

Kufittâr ääinig imâštâlmijd čaalij teehi Kristiina Aikio. Jurgâlus Tanja Kyrö.






Monnjâsaavah

1. Myettee kuldâlem; kuldâl moskočolmij, ete kulloov-uv myetteest mihheen jienâid?
2. Vääldi muotâčalme pááppár oolâ já tuudhâ tom luuppijn tâi styeredemlaasáin. Puudâld majeláá muotâčalme tienuuvvt, ete máácu vielgis pááppár kulmii teikâ neljii. Jurbâsmit olgoreevni já čuopâ skerreiguin njuolgâ riávnán sierâlágán raaijijd.
3. Vääzi ääinig alne já keejâ, ete maggaar luoddâ tust páácá?
4. Tuudhâ, ete magarijd luodâid tun kaavnah šiljoost? Tuubdâ, ete mii elleid taid lii toos kuáddám?
5. Tuubdah-uv jieškote-uv ellei luodâid kooveest? Ovtâstit vijvijjn luodâid já rievttis ellee!


Ovtâstít vijvijn luodâid já rievtis ellee!



Nommâ:



Ovtâstít vijvijn luodâid já rievtis ellee!



Nommâ:

